



SIPA uhapsila dvojicu Sarajlija i Zeničanina

Skrivali drogu u zamrzivaču

LJ. RADIC

SARAJEVO - Policijski službenici Državne agencije za istrage i zaštitu (SIPA) uhapsili su u utorak A.G. (40) i E.V. (36) iz Sarajeva i I.B. (38) iz Zenice te oduzeli oko 1,25 kilograma droge, saznaju "Nezavisne".



Droga je, kako saznajemo, pronađena kada su pripadnici SIPA nasilno ušli

u jedan stan na kojem su obili blindirana vrata, a dio narkotika bio je sakriven u zamrzivaču.

Kako je potvrdio Luka Miladinović, portparol SIPA, realizovali su operativnu akciju usmjerenu protiv neovlaštene proizvodnje i

stavljanja u promet opojnih droga.

"U okviru akcije uhapšena su tri lica zbog sumnje da su počinila krivično djelo iz člana 238 Krivičnog zakona FBiH neovlaštena proizvodnja i stavljanje u promet opojnih droga", rekao je Miladinović.

Postupajući po naredbama Osnovnog suda u Sokocu i Kantonalnog suda u Sarajevu, policijski službenici SIPA su na području Kantona Sarajevo i Istočnog Sarajeva pretresli tri lokacije.

"Tom prilikom su otkrili i privremeno oduzeli oko 1.250 grama nepoznate materije koja asocira na drogu amfetamin, 100 grama nepoznate materije koja asocira na drogu kanabis sativa, dva pištolja sa pripadajućom municijom,

četiri mobilna telefona sa SIM karticama, jedno putničko motorno vozilo", rekao je Miladinović.

Nezvanično saznajemo da je oduzet automobil audi A5.

KAKO SAZNAJEMO, OSIM 1,25 KG DROGE ODUZET I AUDI A5

Takođe je oduzeta i određena količina novca za koji se sumnja da je stečen izvršenjem ovog krivičnog djela.

"Nakon kriminalističke obrade u prostorijama SIPA uhapšeni će biti predati u dalju nadležnost Kantonalnog tužilaštva Kantona Sarajevo", dodao je Miladinović.